

## **BASES DEL PRIMER CONCURSU DE CUENTOS CORTOS PA XÓVENES “D. JOSÉ ANTONIO ROBLES”**

El Escmu. Ayuntamiento d'Ayer, y nel so nome la Casa Municipal de Cultura, col deseyu d'honrar la memoria del maestru D. José Antonio Robles, convoca'l Primer concursu de Cuentos Cortos pa xóvenes col so nome y d'aluerdu coles siguientes bases:

1. Podrán participar toles persones interesaes entre 14 y 30 años.
2. Los cuentos han presentase con lletra Times New Roman, 12 puntos, a doble espaciu per una sola plana tamañu din A-4, y d'un llargor de cuatro folios como muncho.
3. El tema ye llibre .Los cuentos han de ser perdafechamente inéditos y nun premiaos en concursos anteriores, pudiendo tar escritos en Llingua Asturiana o Castellana.
4. Los orixinales han presentase por triplicao, firmaos con un lema . Nun sobre zarráu ha detallase'l nome, apellíos, DNI fotocopiau, seños y teléfono, poniendo per fuera'l sobre'l títulu de la obra y el lema.
5. El xuráu tará formáu por persones cualificaes elexíes per la Comisión Municipal d'Educación, Cultura y Xuventud del Ayuntamiento d'Ayer.
6. El plazu déntriega d'orixinales va a quedar abiertu desde el 2 de Payares de 2009 hasta'l 15 de febreru de 2010. Les obres puen entregase en mano o enviase por corréu certificáu a la Casa Municipal de Cultura del Escmu. Ayuntamiento d'Ayer, n'Avenida de la Constitución nº 31, 33670 Morea d'Ayer, conseñando n'el sobre "Pal I concursu de Cuentos D. José Antonio Robles".
7. El fallu del concursu daráse a conocer enantes del 31 de mayu de 2010 y publicarase n'el tablón d'anuncios de la OIJ, del Ayuntamiento y de la Casa Municipal de Cultura d'Ayer. El fallu ye inapelable.
8. Los cuentos premiaos pasan a ser propiedá del Escmu Ayuntamiento d'Ayer, que se reserva'l derechu d'asoleyalos como camiente afayaizo.
9. Los orixinales non premiaos nun se van a tornar a los interesaos y serán destruidos.
10. El concursu ta dotáu colos premios que van darréu:
  - Meyor trabayu n castellano: 500€
  - Meyor trabayu n asturiano: 500€
11. La participación nesti concursu supón l'aceptación total d'estes bases.